



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 14. |

NOVOSTI

U Tesliću održan treći sastanak Pravosudne mreže BiH

Treći sastanak Pravosudne mreže održan je u Tesliću, petak, 29.01.2016. Sastanku Mreže u najvećem dijelu su se odazvali predstavnici strukovnih udruženja; nosioci pravosudnih funkcija, kao i predstavnik Visokog sudskog i tužilačkog vijeća.

Treći sastanak Mreže održan je u cilju informisanja članica Mreže o do sada realizovanim aktivnostima projekta i u cilju predstavljanja do sada postignutih rezultata provedenih projektnih aktivnosti.

Jedna od njih je svakako i izrada nacrta preporuka Radne grupe I „Efikasnost i nepristrasnost pravosuđa i odgovornost nosilaca pravosudnih funkcija“, čiji bi prijedlog preporuka, nakon sveobuhvatne provedene analize članova Radne grupe, trebao da doprinese većoj efikasnosti i nepristrasnosti pravosuđa, ali i preuzimanju i veće odgovornosti nosilaca pravosudnih funkcija.

Nacrt preporuka koje je sačinila I Radna grupa je prisutnim članicama Mreže, takođe predstavljen od strane ove Radne grupe i o njima se vodila višesatna rasprava, obzirom da bi predložene preporuke, odnosno izmjene i dopune u krivično pravnom zakonodavstvu, definisane od strane Radne grupe, nakon provedene analize postojećeg stanja, trebale omogućiti efikasniji rad pravosudnih institucija uvođenjem novih ili dopunama već postojećih instituta u krivično pravnom zakonodavstvu BiH, trebale doprinijeti usklađivanju krivično pravnih propisa u BiH (entiteta i Brčko distrikta); usklađivanju krivično pravnog zakonodavstava Evropskom konvencijom o ljudskim pravima, a naročito praksom Evropskog suda za ljudska prava; izmjenama i dopunama u domenu krivično pravnog zakonodavstva koje bi dijelom doprinijele i odgovornijem radu nosilaca pravosudnih funkcija.

Predloženi nacrt preporuka članova Radne grupe I je od strane učesnika, ostalih predstavnika članica Mreže, posebno onih koji su se prvi put uključili u ove aktivnosti (predstavnici VSTV-a; predstavnici Advokatske komore F BiH) ocijenjen kao izuzetno dobar. Da su članovi Radne grupe kroz svoj rad i analize dijagnosticirali osnovne ključne probleme koji direktno utiču na funkcionalnost pravosuđa, te da bi predložene preporuke (odlaganje krivičnog gonjenja, kontrola optužnice ...).



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID
FROM THE AMERICAN PEOPLE



Britanska Ambasada
Sarajevo

Sudovi riješili 187.118 najstarijih predmeta u 2015. godini

Od ukupnog broja svih predmeta koje sudovi u BiH godišnje rješavaju, prema planu rješavanja predmeta, u periodu od 1. januara do 31. decembra 2015. godine, uspjeli su riješiti ukupno 187.118 najstarijih predmeta čime je realizovano 84% predviđenog plana za 2015. godinu. U odnosu na isti period prošle godine u sudovima je riješeno preko 100.000 najstarijih predmeta. Tako je u sudovima u 2015. godini broj neriješenih predmeta starijih od 14 godina je smanjen za 97%, starijih od 10 godina smanjen je također za 97% i starijih od 5 godina smanjen je za 98% u odnosu na 2010. godinu.

U skladu sa planovima za rješavanje predmeta u 2015. godini sudovi su predvidjeli riješiti 221.514 najstarijih predmeta. U priloženoj tabeli prikazan je zbirni pregled realizacije planova na nivou suda, po godini iniciranja predmeta za 2015. godinu, a na osnovu podataka koji su bili predmet analize.

Praćenje procesa rješavanja predmeta prema planovima jedna je od osnovnih aktivnosti Stalne komisije za efikasnost sudova Visokog sudskog i tužilačkog vijeća Bosne i Hercegovine (VSTV BiH). Naime, VSTV BiH je na sjednici održanoj 21. i 22. januara 2015. godine usvojio novo Uputstvo za izradu planova za rješavanje predmeta koje se počelo primjenjivati prilikom kreiranja planova za rješavanje predmeta za 2015.godinu. Glavni cilj Uputstva je rješavanje svih predmeta koji se ne završe u roku od jedne godine od dana podnošenja inicijalnog akta u sudu. Osnovna promjena u Uputstvu se odnosi na pravilo da u 2015. godini svi sudovi imaju obavezu sačiniti plan rješavanje predmeta.

VSTV BiH je ovu aktivnost započeo 2010. godine u okviru Projekta podrške pravosuđu koji je finansirala Evropska unija iz programa IPA 2009 i IPA 2010, a nastavio u okviru Projekta unapređenja efikasnosti pravosuđa koji finansiraju Vlada Norveške i Vlada Švedske, s ciljem smanjenja broja neriješenih starih predmeta, što će značajno doprinijeti povećanju efikasnosti sudova, a samim tim i pravosuđa u cijelini te pružanju bolje usluge građanima, korisnicima sudova.

Vijest preuzeta sa www.pravosudje.ba

Regionalna TAIEX radionica o sigurnosti u pravosuđu

Narušavanje sigurnosti sudija, tužilaca ili uposlenika pravosudnih institucija ne smije se tolerisati

Regionalna TAIEX radionica o sigurnosti u pravosuđu koju je organiziralo Visoko sudsko i tužilačko vijeće Bosne i Hercegovine (VSTV BiH) u saradnji sa Instrumentom Europske komisije za tehničku/savjetodavnu podršku i razmjenu informacija (TAIEX), održala se 4. i 5. februara 2016. godine u Sarajevu.

Cilj regionalne radionice je razmjena iskustava i najboljih praksi sa predstavnicima zemalja članica Europske unije i zemalja iz regiona o jačanju mjera sigurnosti sudija, tužilaca, ostalog pravosudnog osoblja, svjedoka, žrtava u krivičnim djelima i predstavnika javnosti u kontekstu pravosudnih procesa u Bosni i Hercegovini.

U uvodnom izlaganju predsjednik VSTV-a BiH Milan Tegeltija je istakao: „Sigurnost pravosuđa jedan je od temeljnih preduslova za profesionalno, nezavisno i nepristrasno pravosuđe, za ozbiljnu borbu protiv organizovanog kriminala, korupcije i procesuiranje drugih teških krivičnih djela, kao i za postupanje u drugim predmetima koji se vode pred sudovima u našoj zemlji.“ Ističući značaj teme radionice, predsjednik Tegeltija je naznačio da je od izuzetne važnosti sa ovog eminentnog skupa poslati snažnu poruku da narušavanje sigurnosti sudija, tužilaca ili uposlenika bilo koje pravosudne institucije ne smije biti tolerisano, naprotiv da mu se treba efikasno suprotstaviti i na njega odgovoriti adekvatno i blagovremeno.

Pored prezentacije kratkog filma o sigurnosti u pravosudnim institucijama, koji je pripremljen od strane Radne grupe za sigurnost pravosudnih institucija i nosilaca pravosudnih funkcija u BiH, učesnici imaju priliku diskutirati o značaju zaštite i sigurnosti pravosudnih institucija, sudija i tužilaca, te o pravnom okviru krivičnog zakonodavstva koji se odnosi na sigurnost u pravosuđu u Bosni i Hercegovini i drugim europskim zemljama. Tako su učesnici upoznati sa iskustvima zaštite pravosudnih institucija i dužnosnika u državama sa različitim pravnim i društvenim uređenjem, kao što su Holandija, Španija, Makedonija, Hrvatska, Albanija, Slovenija i Bosna i Hercegovina.

Govoreći o mjerama za unaprjeđenje sigurnosti u pravosuđu, učesnici radionice naznačili su da se situacija u ovoj oblasti može unaprijediti uspostavom adekvatnog zakonskog okvira koji bi obuhvatio sve segmente sigurnosti. Poseban apel učesnika upućen je nadležnim institucijama u Federaciji Bosne i Hercegovine da poduzmu sve neophodne korake kako bi usvojili Zakon o sudskoj policiji FBiH koji je u proceduri usvajanja već sedmu godinu.

Tokom drugog dana radionice biće održano više panel diskusija koje će obuhvatiti teme poput: sigurnosti i zaštite sudija i tužilaca izvan radnog mjesta; značaja sigurnosnog ambijenta u radu sudija i tužilaca u procesuiranju krivičnih djela organiziranog kriminala i korupcije, te oduzimanju nezakonito stečene imovine; kao i značaja podrške svjedocima i koordinacija podrške sa mjerama zaštite svjedoka.

Radionica je zaključena usvajanjem zaključaka o sigurnosti pravosuđa u BiH.

Vijest preuzeta sa www.pravosudje.ba



Britanska Ambasada
Sarajevo

